

兩
浙
名
賢
錄

兩浙名賢錄卷五十一 目次

列女

元二

黃仲起妻朱氏

大妻弟嫡乳母附

王琪妻蔡氏

婢附

王氏女

李淑沈氏

章瑜妻傅氏

俞新妻周氏

柳烈女

孫偉妻黃氏

沈阿奴

張淑妻章氏

張楚妻莊氏

錢氏三陳氏

李銳妻何氏

吳安正妻薛氏

方仲剛妻吳氏

劉公寬妻侯氏

呂玄明妻朱氏

丘岩妻盛氏

多奴卯
奴附

金幼芳妻高氏

程徐妻金氏

周誠德妻陳氏

陳程妻葉氏

明一

童賢母羅氏

賈明善妻宋氏

胡守貞

王志清附

鄭洪妻石氏

黃謹昭妻孫氏

陳氏

汪欽妻周氏

俞氏三簡

王和欽妻馬氏

孫宋雙節

吳善慶妻孫氏

唐方妻丁氏

王守中妻劉氏

子中允附

席祥妻吳氏

魏節嬪趙氏

子媳應氏附

鄧聖妻沙氏

張景忠妻陳氏

陳敏人妻倪氏

許瑜妻季氏

陳思恭妻莊氏

趙淑民妻盧氏

閩州守妻宋氏

蔣倫妻戴氏

徐宗谷妻張氏

鄭翰卿妻徐氏

黃紳妻洪氏

姪胡氏姪胡氏附

清順妻徐氏

李珂妻俞氏

子頰吳氏孫頰陳氏附

胡谷銘妻王氏

夏子昭妻顧氏

周天寵妻黃氏

方氏二烈女

石孝女

潘仲岳妻程氏

楊彥璋妻魯氏

金良女汝安

童敦妻李氏

袁堅妻方氏

華榮女妙清

遊貞女鑑

胡昌妻汪氏

李志寧妻劉氏

呂嗣芳妻顧氏

宋原用妻石氏

方良規妻章氏

王伯壘妻張氏

章孝女銀兒

徐孝女

譚弘妻沈氏

姚繼妻周氏

王璿妻柳氏

包慎妻徐氏

吳曇妻嚴氏

孔淑貞附

虞守中女鳳娘

徐文佩妻鄭氏

范氏二女

徐福壽妻王氏

俞姻奴

葉俊妾何氏

李政妻三女

宋允中妻魏氏

李汀妻呂氏

朱奉妻吳氏

陳曙妻張氏

馮光濟妻劉氏

周廷輝女

周本恭妻趙氏

蔡儼妻包氏

谷得與妻陳氏

翁錄妻鄭氏

楊孟輝女牛貞

諸仕俊妻舒氏

趙孝女

包文助妻張氏

徐傑妻任氏

包謙妻鄭氏

張昱妻彭氏

陳佳妻王氏

吳節婦鄭氏

葉孔賓妻鄭氏

妾何氏附

孫玉妻楊氏

何謙妻吳氏

高逾妻李氏

子頌曹子妾陸附

兩浙名賢錄卷五十一 目次終

蘇坡印

卷之五十一

四

九

兩浙名賢錄卷之五十一

東海徐象梅仲和氏誤

錢塘袁升聞德玄氏閱

列女

元二 共二十八人

黃仲起妻朱氏

女弟嬭乳母附

朱氏杭州人黃仲起妻至正十六年張士誠寇杭驅諸嬭至今監守期暮且至朱懼辱遂與女俱縊死妾馮氏曰我生何爲亦自縊既而仲起弟嬭蔡抱其幼子與乳

母湯皆自殺一門五烈視死如歸賢者以爲難

王琪妻蔡氏

婢附

王琪妻諸暨蔡氏女至正中張士誠陷諸暨蔡避亂長
寧鄉山中賊兵卒至道傍有造紙鑊方沸遂投其中死
賊驅其從婢婢曰主母死我可驅乎賊怒殺之

王氏女

王氏女建德人至大間其父出和舍旁遇豹爲其所噬
曳之升山女遂大聲驚呼奔救以父所弄鋤奮擊豹腦
豹死父乃得坐賊人比之劉平妻

千涇沈氏

吳興千涇沈氏同里邵氏嬭也。至正二十四年，夫邵爲軍士所殺。沈有殊色，虜置船上，溪流迅急，乘間躍入水中。船去甚疾，意其已沒，不復顧。適張掾舟過之，見髻如雲，被水面視之，乃嬭人。衣漂水上，不能下沉，卽引救之。問乃知其姓與其里居，易衣置後艦內，使守視之。其下諭之曰：汝遇吾張君，幸得不死，張掾今貴人，汝能事之，且更得福，勿憂也。沈氏謝曰：幸諸君見憐，欲活我，吾見吾夫被創甚，吾心已許之，恨不及生時使之見也。且

張君欲我安用失節嬖人哉。遂噤不復言。度勢不可出。視其旁有竹箸一束。夜二鼓。卽以箸納口中。面力觸舟。箸入喉。以死。明日。張爲歛而焚之。

章瑜妻傅氏

傅氏諸暨人。年十八。適同里章瑜。瑜爲苛吏脅軍。與期會。迫死道上。計至。傅氏匍伏往。抱屍歸。號泣三日。夜不寐。旣入歛。至嚙其棺成穴。及葬。自投其身壙中。母強挽之。乃已。居近百日。母欲奪其志。傅聞。遂大慟。不食。母矚侍婢。謹視之。間數日。使婢入室。理浴具。忽失傅。在明

旦汲水則見倒植井中死矣。

俞新妻聞氏

聞氏紹興俞新之妻也。大德四年新沒。聞年尚少。父母慮其不能守。欲更嫁之。聞氏哭曰。一身二夫。烈嬾所耻。妾可無生。可無耻乎。且姑老子幼。妾去當令誰視也。卽斷髮自誓。父知其志篤。乃不忍強。姑久病風。且失明。聞氏手滌溷穢。不怠。時漱口上堂。舐其目。目爲復明。及姑卒。家貧無資營墓。乃日與子親負土葬之。朝夕悲號。聞者慘惻。鄉里嘉其孝。爲之語曰。欲學孝嬾。當問俞氏。

柳烈女

柳烈女嘉興人父爲縣吏至正末紅巾賊陷嘉興女時年十八與其父母同竄匿爲賊所得驅以行至河滸結欲結襪賊不加防遂投水死郡人金網爲之記

孫信妻黃氏

黃氏平陽人爲同邑孫信妻至正十四年爲賊所掠以堯子昇之黃氏哭曰吾死耳不從汝往也自墜於地時賊燒民居火甚乃赴火死

沈回奴

沈回奴德清人年十八元末兵亂回奴匿於蘆港中賊獲之求與合同回奴從容諭之曰我願爲若妻然我室女必擇日具禮乃可賊信之擄至營責擄嬾守之回奴夜援所笄銀簪截其喉以死

張減妻章氏

張減妻新昌章氏女名孝行至元二年從姑逃亂產芝山中爲軍所掠不從遇害姪在藁棘中抱屍慟哭而絕

張英妻莊氏

莊氏名淑貞諸暨張英妻生有豔質父宦游獨與母居

至正乙巳張士誠引兵攻新城城陷被執度不免厲聲大罵因爾輩鼠賊耳敢肆行無禮執略衣冠子女乎我死卽死奪我終不可得也賊怒抉其口而死宋太史景濂傳其事

錢氏二烈女 俞氏嬭附

錢氏二烈者嘉興錢子願之二妹也至正末紅巾賊至其家二女義不受辱乃相與結裙裾投河而死賊驚捨去其後子順妻俞氏亦以守節旌門鄉人稱其家二貞一節云

季銳妻何氏

季銳妻龍泉人姓何氏。至正中避兵於邑之城門岩。至何氏被執欲污之。乃與子榮兒女同娘投崖而死。

吳守正妻禹氏

禹氏名淑靜。崇德人。吳守正妻也。嘗從容語其夫曰。方今盜賊蠭起。萬一不測。妾惟有死而已。宜預爲計。及盜陷崇德。淑靜抱八歲女倉皇出門。賊追及之。叱曰。止。不止殺爾。淑靜度不免。遂抱幼女投水死。明日得屍抱女僵立水中如生。藁葬石門鎮。人表其墓曰。貞母。阡徐一。

卷之五十一
五
夔爲之記

方仲剛妻吳氏

吳氏女名埠蘭谿方仲剛妻遭元季兵亂與其夫避難離家而行一里許聞鼓譟聲足弱弗能步度不可免乃謂夫曰君宜自脫禍勿以妾爲累夫曰子將若何吳曰妾義不受辱惟有死耳夫號泣不得已捨去旣而游兵四集將追及適見道傍有梅塘水潔且深吳喜曰得死所矣遂投入以死越數日兵去夫踪跡其處見屍橫池面雖盛暑而顏貌如生爲之痛哭遂舉葬焉時至正歲

戊夏六月也。章楓山有烈嬭序。童利故有烈嬭傳。縉紳士大夫多歌詠之。

劉公寬妻侯氏

侯氏永嘉人。爲劉公寬妻。居南溪。稱名家。至正戊戌方明善據溫。公寬團結里中少年守禦鄉井。語諸年少曰。方賊昔荼毒吾郡。恨不食其肉而寢處其皮。今乃挾脅鎮撫。職名據此。溫人從而忍事之。獨不媿於心乎。誓不與此賊俱生也。遂率衆渡江。由鎮海至千佛寺。徑襲明善。卧內殺其吏楊廷憲。明善出間道脫去。公寬歛兵退。

保溪山明善連歲攻之弗克無何公寬爲其下金興所害取其首以獻明善侯氏收歛夫尸結蒲爲首以葬乃撫膺而號曰吾夫以身殉國遂結仇方寇寇至必辱我以雪其憤奈何以貞潔之頸飲賊刃乎不如先死乃自縊二子皆自殺

呂玄明妻朱氏

朱氏永康人歸同邑呂玄明元末羣盜蜂起玄明與東陽陳顥道各舉義兵擊賊有功遂欲乘勝討方國珍時臺官多受賄賂爲之內主乃遣宣差詐召玄明而殺之

并害其子堪。朱氏聞報，卽旋踵號泣走訴於陳顯道曰：「吾夫破家爲國有功，不賞，顧蒙顯戮，以快仇讐。妾婦人力弱，憤不能報。君義士也，倘念同功之誼，出一臂以相助，得取仇人而甘心焉，則吾夫雖死猶生之年也。亦不至冷天下義族心。」君其速圖之。顯道曰：「諾。」卽擊豕醢酒，會里中義勇者數十人，從朱氏疾追之。及宣差於中道，遂擒以還。朱氏設夫靈，焚香，爇燭，生取心以祭。當是時，義烈之聲震於天下，莫不曰：「夫死於忠，子死於孝，婦貞於義，而能借力報仇，使忠孝之心無憾焉。」求之古人中，

其孫翊徐夫人之流歟

丘岩妻盛氏 多奴卯奴附

盛氏烏程人嫁丘岩元末兵亂岩挈避於官澤沈家堦
盛時年二十四恐寇至被汚曰堦水清當死於此岩妹
多奴卯奴俱年少聞嫂言遠應聲曰願與大嫂一處死
未幾寇至盛氏投水死二姑相繼以沒時至正二十四
年四月二十八日也

金幼芳妻高氏

高氏名文淑遂安人年二十六平陽金幼芳娶以爲婦

明年生子暉。暉生七月而幼芳以病死。當是時方明善日事兵爭。高祖負暉竄匿山谷間。紡績以自給。或勸其擇所從。高曰。我足一踐金氏門。知死金氏而已。餘尚復何慮乎。與其墮節倖生。孰若死飢死寒死兵也。植志益堅。不爲浮言所惑。暉稍長。日夜策勵之。以詩書底於成。立鄉人士無少長咸稱之。曰貞嬭太史蕪平仲爲之傳。

程徐妻金氏

金氏詳定使四明程徐妻也。京城旣破。謂其女曰。汝父出捍城。我三品命嬭。汝儒家女。又進士妻。不可受辱。抱

二歲子及女赴井死

周誠德妻陳氏

平陽陳氏爲同邑周誠德妻。至正癸卯，方明善寇平陽，誠德率義旅禦之，戰敗，與陳逃於邑之逕口。陳氏謂誠德曰：「吾不能從汝去，賊至必污我，自縊而死。」誠德坎而瘞之。復土未畢，而賊至，被執，竟爲明善所殺。

陳程妻葉氏

陳程妻葉氏，麗水人，有美色。元末兵逼金華，葉與夫奉舅姑携子女避兵於風山。未幾，處城破，兵掠所避地，葉

一可免乃遽更新衣其乳母虞氏見之曰當此倉皇
更衣何爲葉曰有死耳虞氏驚曰有舅姑與夫及子女
在奚忍爲之葉曰吾豈不欲同生以事以育盡煩之道
顧禍在目前祇取辱耳身旣被辱何以爲人嫗能爲我
扶老携幼雖玉碎亦無恨卽觸崖下死

明一 共九十二人

童賢母羅氏

童賢母姓羅氏寧海童處士釋卿妻也羅爲縣舊族賢
母少喪親姿端厚有識度年十三歸處士時處士之祖

母高年而父母皆老。賢母事之。孝敬雍順。治產業。習女紅。其得煩道。舅姑喜家政。一任之。祖母晚病。手足痺。不能舉。澳惡。或時汚床褥。賢母躬抱持洗滌。飲食必執匙箸。以進。久而不懈。祖母心德其所爲。每私祝曰。吾苦新煩。無以接頸。汝有子有煩。咸若汝之孝敬。賢母有知能。遇女妹及族人親戚。皆有恩。祖母及舅姑卒。相夫奉養。葬於內外。細粗指畫綜理。皆有方略條理。旣而家貧。處生四丈夫子。長各有才智。好學問。訓以禮義。忠厚尤有母道。及處士早世。諸子長。娶煩生孫。一聽賢母之教。遂

相與合食不分財。異爨作先祠。置祭器以奉祖考。家庭之間出納有法。長幼有倫。遇人有惠。待賓客有禮。於是賢母遠邇皆慕焉。初元季無政。大家以貲結長吏。田之租稅俾小民佃者代輸。里正因而漁利。每畝徵米四升。小民以爲病。會賢母家爲里正。催民租稅。命減其半。不足寧出已粟以輸。鄉閭貧弱賴以不困。洪武初寧海及隣縣飢。里中富人以麥貸貧者。每麥去責穀二斗三升。時賢母家有麥數廩。居諸子謂曰。飢者衆而吾家幸有餘。安忍乘時取倍蓰之息。若等母效他人宜減息一斗。

以爲鄉率於是諸子奉行之又白於縣請禁多取息以
病民者數百里貸麥者利其息少就奔走焉咸歎息以
爲童母恩母好施予孤弱不能自存者給以錢果不責
其償人或告飢推食以予之遇人有急度其事可解舍
諸子爲解之後或背負絕不與較至不義人或莫近事
有不可者戒勿爲其摘料世事明遠甚雖丈夫有弗達
也家人指逾千婢僕指稱之人人察其飢飽苦樂與其
本性所宜無有怨者年八十餘子嬭及諸孫嬭男女數
十人曾孫七八人奉養祇願不敢違果若祖姑所祝名

人士往來者皆致拜稱賢母云

賢明善妻朱婺

宋氏名婺潛溪人景瀝之女弟也美姿容幼卽讀書知大義旣長歸烏傷賢明善踰年父母召婺令與婿偕來同居孝養益謹見諸女讀古烈女事則慨然想其爲人嘗謂諸女曰是亦不難爲嬾者當壁碎而潔無寧瓦全而穢也旣而西兵搗蘭谿遠近大震宋不自安同夫避入浦陽城賣山中未幾鄉民牗聚作亂執婺綏人如刈草菅宋亡入榛莽中爲游卒所執求解不應將毆之宋

以計給曰、吾有珠貝可直數千緡、昨夕密出前坎中、爾幸無急我、急我我將死於爾、何利不若導爾發之、卒悅其言從之行、至深淵側、竟躍入死之。

胡守貞 王忠清附

胡守貞錢塘胡宗信之姊也、守貞因父母長弟相繼物故而宗信年幼未立、私念嫁蚤晚無加損、誠能輔弟樹立、晚嫁無所恨、遂經紀其家、及宗信長娶嬪王氏、名志清、甫五年而宗信歿、王氏時年二十四、生子貢、暨一女、守貞痛曰、我終不可以嫁矣、於是與志清相向哭誓死。

守存胡氏血食卧起相依守貞待志清如婦然志清
則終身以事姑者事守貞貧無以爲生每日閉門膏肓
得錢租足供薪米塩醢輒闔門治女事寒機雙杼一燈
欲滅坐至夜分如此者十九年畧無間言守貞年六十
洪武甲子卒志清率貢行三年喪

鄭洪妻石氏

石氏名勝金華人性敏慧勤恪嫁爲浦江義門鄭洪妻
李文忠分鎮嚴陵辟洪參謀軍事後以薦爲內藏庫提
點未幾同官有坐法者辟連洪竟死於獄石氏時從宦

邸吏議當配石氏仰天慟曰生爲鄭氏殞死則爲鄭氏
鬼耳吾夫已亡吾豈忍汚其身以玷旌門乎遂絕粒不
食隣媼強以粥糜不聽如是者八日求死弗得乃引繩
自絕公卿朝士莫不稱烈高皇帝聞而嘉嘆曰嗟乎
此真義門嬪矣宋濂爲之傳曰余居金華熟聞鄭氏孝
義之著禮法之盛今觀石氏擗行皎如白日可謂難能
者矣錄其染濡家訓亦天性然也稱爲烈嬪不亦宜哉
庸表而出之以勵世風云

黃誼昭妻孫氏

陳氏慈谿人年十八歸定海黃姓昭生子渭三載而夫
亡孫以死自誓無師教子長求兄女爲配甫三年生二
子渭亦故適國初糧餉至重乃類姑相率携子與僕輸
賦南京訴尚書寔義言海潮爲患十年九荒乞築海塘
以障居民寔詰曰如此孤苦何爲不嫁對曰餓死事極
小失節事極大寔規俯首者久之次日遂爲奏請差薛
主事董其役起自龍山迄於觀海築塘凡百餘里永免
潮患鄉人感其義立祠祀之

陳氏

陳氏錢塘人禮部主事陳鏞女弟許聘禮部員外郎孫
迪。未成婚而迪亡。樞還女告其父母。衰麻至。迪家見舅
姑臨柩伏哭。盡哀還。服三年。喪終身不嫁。壽踰七十。卒
於家。葬父母兆域之次。

汪欽妻周氏

周氏女山陰人。年十九。適蕭山汪欽。欽兄弟五人。皆夭
歿。獨父湛及母在。夜有劫盜。湛起禦之。遇害。盜盡掠其
貲去。周號泣曰。貲不足惜。何乃刃吾舅。誓不與賊俱生。
挺身訴於官。不獲。則走奏京師。衣不解帶者三年。竟獲。

益二十人斬於市。

俞氏三節

童氏諸暨之楓橋人年十九歸俞滿未一年而滿病病
革呼童曰我死汝年少當更適童泣曰妾豈事二姓者
耶剪髮爲普滿弟滋娶趙氏滋死趙年二十七潤娶金
氏潤死年二十九有感於童率勵志同守居側生竹一
本分爲二幹本幹皆疊生三節人以爲瑞上其事詔旌
其門曰三節

王和欽妻陳氏

子德中附

王和欽妻陳氏。永康人。年二十九而和欽亡。遺孤僅歲餘。苦志守節。勤以自給。孤名德中。性篤孝。嘗因母病。額天乞以身代母。果獲痊。一日東隣失火。將延及德中。自火稽首。火遂西轉。人皆謂王氏母子節孝所感云。

朱偉妻馬氏

朱偉妻。山陰馬氏女。名德真。家病疫。舅與夫偕亡。姑亦病篤。德真艱難事姑。姑愈。母家欲奪其志。斷指爲誓。姑歿。撫膺大慟。翌日死。

孫朱雙節

孫氏宋氏皆慈溪人。孫歸沈銘善。年二十九而夫亡。生子甫。八月。宋歸沈銘禮。年二十而夫亡。生二子。皆在襁褓。人以宋氏年尤少。諷之更適。宋氏歎曰。天降割吾姊。姒姒守義不貳。吾忍弃去邪。自誓凜如。歲時歸寧。母氏憫而諷之。不聽。曰。迫之果急。惟以江水爲徑。見吾夫地下耳。姊姒日勤紡績。澹泊清慎。至白首猶一日。洪武十六年。事聞。詔旌其門曰雙節。

吳善慶妻孫氏

孫氏名妙吉。山陰人。適吳善慶。善慶死。孫尚艾無子。持

節不易叔祖小觀納隣邑人幣將奪嫁之孫聞乃紿曰
幸得作小佛事爲亡夫福小觀如其言孫沐浴更衣禮
佛少間走繼夫墓木而死小觀怒殘其尸覆於淺土中
聞者爲之雪涕然其家甚微不能聞諸有司爲可悲云

唐方妻丁氏

丁氏名錦奴新昌人生有異相頂蟠七螺涉獵書史歸
唐方洪武中方爲山東僉事坐法死妻子當沒爲官奴
部僕者按籍其家押卒祝中順欲挑之偕其髻梳掠髮
丁卽以梳擲地其人取掠之持還丁丁罵不覺竊謂家

人曰此輩無禮必遂辱我不若預死之以全節也即日肩輿上道行山徑未半里至陰澤崖峭水深四無援隨寸忽從輿躍出赴水衣厚不能沉復從客以手歛裙隨流而沒神卒數輩驚救至則死矣時年二十八至今鄉其處曰夫人澤

王守中妻劉氏

子仲九附

王守中妻劉氏字至貞永嘉人七歲從兄讀孝經知大義適王氏克事舅姑守中性至孝先是父病亟默禱於天乞減已壽一紀以益父筭其後父果延十二載人

其之已而守中病卒時劉年二十九子在襁褓自居舅
喪輒不茹葷血御華靡及夫亡愈甘清苦至白首如一
日洪武初詔旌其門子仲九性尤孝痛父母葬地不佳
遂終身蔬食

席祥妻吳氏

吳氏錢塘人爲山陰席祥妻祥先以避兵挈家來錢塘
其退還家山陰而祥留錢塘娶吳氏生子未晬而祥歿
吳年纔二十有六自歎曰吾席嬾也義不當留父母家
乃奉祥靈柩絕濤江而東葬於先塋之次從妯娌事舅

姑蘇遺孀如愚婦其醫曰此爲膝所苦耳孰能吮之
吳氏吮之無難色姑錫遂愈親戚鄉黨咸稱爲節孝娘
子史臣餘一養爲之傳

魏節類趙氏

子媳康氏附

魏節類趙氏名第台之寧海人父國真故邑大家延儒
傳之能爲春秋學者教其子仲武與浦江魏氏子順之
同受春秋類悟精勤嘗與仲武較藝大爲國真所激賞
順之祖梯元時以貧雄於鄉爲里主帝儲錢百錠爲官
資缺復補足其數一錢不取諸民民德之呼爲魏百錠

父恩能用人之急寒者與衣飢者與食死而不能葬者與棺槨國真聞之歎曰求福無如積善修身無如好學吾無聞然矣遂以女歸順之生三女而順之卒順年僅二十四卽以猶子校爲嗣誓不他適其兄仲武憐之潛受同邑婁氏聘議欲強迎之歸奪其志節順問之謂曰將嫁而女弟乎吾生爲魏氏嬖死爲魏氏鬼耳吾弗歸也堅不爲動其兄不能奪校甫七歲晨昏教養至於成立爲娶同邑應氏生男女各二人而校亦早世應氏時年二十九上奉孀姑下撫諸子兢兢惕息無毫髮增損

於前人男娶女嫁各適其宜人皆以爲善繼志稱大小節頌云校字師學應氏字小其二子曰江曰海

黃性祖母劉氏

劉氏名文淑松陽人教諭黃應發妻也無子聘姊生于通通生五月而母亡劉鞠育如已生至二十而應發卒時劉年三十有六矣舅年老私念通非劉產恐劉有他志憂見於色劉揣知其情以死自誓又三年舅歿劉葬舅與夫封樹皆盡禮日夜攻絲枲資通就學一日通墮非得狂疾劉意非人生者慮黃氏嗣絕急爲娶屠氏生

于性前此應發以通幼弱先養婦子劉中孫爲嗣中孫以通且暮死不意屠之生男性也乃露刃入卧戕之劉膏當其鋒性得不死訟抵中孫於法通狂疾死其居哺孫至長使就學成名一日病革呼性語之曰我爲汝家頗不幸二世短命保汝於橫逆艱棘中今幸見汝成立復有子嗣吾可以下見汝祖矣言畢而逝壽七十有九

郎理妻沙氏

沙氏主事郎理妻安吉人也洪武中從夫官京師理以直諫死沙聞之哭曰夫爲忠臣妾獨不能爲烈婦乎遂

自經死事聞 命爲大棺合斂賜諭祭馳驛歸葬

張景忠妻陳氏

陳氏字文婉錢塘張景忠之妻歸而克盡孝敬於舅姑生一子孩抱而景忠卒甫服除有諷其改適者唾去之擄其孩抱孤日泣舅姑前舅姑亦泣下乃相抱持其孫慰撫之曰所不餒吾祀者無他望此之成唯母之依彼犬豕者之言奚足爲賢媳嬾辱又相泣慰撫而後已舅姑沒喪葬貧儉而稱禮姻族黨每以漢陳孝嬾比之太史氏王洪爲之傳

陳敏八妻倪氏

倪氏女安吉人年十四許聘陳敏八陳未娶從征踰五十年歸乃成婚人號白頭花燭

許瑜妻季氏

季氏名添寧海人歸同邑許瑜瑜爲盜所害季抱幼兒從舅氏董仲裁走慈溪悲號摧毀或累日乃一食仲裁欲更嫁之季微知其意泣曰吾寧抱兒還許氏使盜殺我不能事異姓也仲裁不敢復言後三年盜敗伏法季始歸治田廬資其孤從學爲名士年七十卒學士宋景

應爲之傳

陳思恭妻莊氏

莊氏海鹽陳思恭妻。莊本泉南人。思恭自海鹽客泉南。贅焉。思恭嘗客於海。三年不歸。人以思恭死矣。輒之嫁。斥絕之。又二年而思恭歸。未幾復去。竟死於海。諷者復來曰。今固可嫁矣。莊絕之愈甚。時年二十五。乃自泉携其孤彥。應扶思恭柩歸葬海鹽。撫彥應成立。莊以高壽終。高季迪作詩美之。

趙叔民妻盧氏

盧氏名津奴黃岩趙叔民妻有婦容涉略書史洪武十九年叔民被誣以黨卒於京明年籍其家盧聞官軍至邑卽欲與子俱飲藥旣而泣曰汝年方七歲萬一得生未可知我寧就死義不受辱遂題詩壁上飲藥而死官軍入門見壁間詩莫不嘉歎爲具棺歛而瘞之

閬州守妻宋氏

宋氏金華宋學士景瀛族女也爲西安閬州守妻守失其名洪武初坐府推累死宋以夫罪連坐遣戍雲南金齒衛奉姑偕行題長歌於郵亭壁間觀風使者採以

上聞憐而釋之。仍賜夫之祿。養姑終身。歌曰。郵亭咫尺。
堪拔宿。手扶親姑。慈茅屋。抱薪度地。暫鋪難支。願相何。
存。聲哭。旁人問我。是何方。俛首哀哀。訴衷曲。妾家祖居。
金華府。海道曾爲上千戶。奉饒運粟大都回。金牌勅賜。
雙飛虎。弟兄聯迹。隱山林。甘學崇文。不崇武。方今玉堂。
宋學士。亦與妾家同一譜。并年嫁向衢州城。夫婿好學。
明詩經。離騷子史編。接覽意欲出仕。甦蒼生前年郡邑。
爭交辟。婢親笑傲趨神京。萬言長策獻闕闕。泥金捷報。
來掀騰。承恩榮。除閩州守。飄然回舫。西南行。到官接賢。

訪遺老要把奸頑盡除掃日則升堂剖公務夜則挑燈
理文稿守廉不使纖塵污執法應教僚佐怒府推獲罪
苦相攀察院來提誰與訴臨行囊橐無銅鉢惟有舊日
將去書牽衣父老泣相送遮留赤子爭號呼彼時徵賦
動盈萬妾夫自料無從辦竟展捋掠不成招暗隔家人
莫送飯無何餓死囹圄中旗軍原籍來抄封當時只望
耀門戶豈期一旦翻成空親隣憐妾貧如洗歛鈔殷勤
贈行李零丁三口到京師奉 旨邊方戍金齒阿弟遠
戍龍江邊臨歧抱頭哭向天 弟北兩相勸別來再

會知何年開船未幾子病倒求醫問卜皆難保武昌城外野坡前白骨誰憐葬青草眼前有子相親傍身安且不受家蕩而今子死姑年高縱到雲南有何望八月官船渡常德促裝登程戒行色空林日暮鷓鴣啼聲聲叫道行不得上山險如登天梯百戶發放來取齊兩晴泥滑把姑手一步一跌身沾泥晚來走向營中宿情思昏昏倦無力五更睡重起身遲飯鍋未熟旗頭逼翻思昔日閨門內遠行不出中堂右融融日影上闌干花落庭前鳥聲碎寶髻斜簪金鳳翹翠雲蟬髻蛾眉嬌繡牀新

刺雙蝴蝶坐久尚覺春風饒誰云今日夫亡後萬里還
荒要親走半途日午姑云飢欲丐奉姑羞舉口同來一
嬾天台人情懷薄若秋空雲喪夫未經數十日回眉重
嫁鹽商君血色紅裙繡羅襖騎驢遠涉長安道穩步不
知行路難揚鞭笑指青山小古來節義難重陳拭目
耳肝膽真嗟哉風俗日頹敗綱常廢盡趁黃金妾心汪
汪澹如水寧受飢寒不受耻幾回欲葬江魚腹姑存未
敢先求死孝思涓體夫存念嘗學慈烏與終養姑亡妾
亦隨姑亡地下何慙見夫面說到傷心淚如雨哽咽低

頭不能語道傍聞者總悽酸隔嶺哀猿叫何許

蔣倫妻戴氏

蔣倫妻山陰戴氏女名鍾齡早寡有節行既老鄉人欲上其事輒止之曰常事耳何煩官府

徐宗谷妻張氏

張氏名璩奴黃岩人少聰慧適徐宗谷未幾宗谷爲仇人所害張負姑匿岩穴中間道達姻家泣謂姑曰煩不卽死者以夫仇未報遺娘未分耳旣而生女幸妻生男張撫字之如已出明年被姑理仇於官抵之法始還家

招夫魂而葬之。焚香誓天守死。不二年五十四卒。

鄭翰卿妻徐氏

鄭翰卿妻山陰徐氏。女翰卿出遊山西。十年不返。徐獨奉舅姑竭盡心力。家貧而澹。隨不乏。姑疾劇。額天請代疾。遂愈。後翰卿歸。旬日病卒。徐營歛畢。歎曰。向不卽死。以夫在耳。今夫死矣。何以生爲。絕粒七日而卒。

黃紳妻洪氏

妣胡氏姪嬭吳氏附

黃紳妻洪氏淳安人。年十七歸紳。甫一年而紳歿。止一女。一日歸寧。父兄欲奪其志。逼之更嫁。洪遂抱女獨寒。

米涉河以歸。誓無他志。獨立以奉黃氏祀。年九十卒。妣胡氏。妊嬭吳氏。皆幼年孀。居悉化之守節。未嘗變。人稱爲黃氏三貞。

潘順妻徐氏

徐氏烏程人。年十六歸同邑潘順。未幾順死。徐引刀斷指。誓不嫁。及卒。取指以殉。而所養鳳仙花色殷紅。猶在。

李珂妻俞氏

子嬭吳氏孫嬭陳氏附

李珂妻俞氏永康人。年二十五居孀。守節子祿。嬭吳氏年二十九夫亡。子死。誓繼姑志。孫奔娶陳氏年十九亦

寡因自誓曰守節女嬭常事况李氏世德有自平台州
王一寧題其堂曰一門三節嬭四世九賢孫

胡谷銘妻王氏

王氏名潤玉鄞人年十九歸胡谷銘質性婉婉生二子
皆幼夫染瘵疾延及一門死亡略盡潤玉時年二十餘
抱遺孤獨處一室人共危之母家以其盛年無依力勸
之歸且曰是家不祥而欲相從爲鬼邪盡改圖焉潤玉
泣曰夫宗祀幸有子使吾一出是門置胡氏神主何地
古未亡人禍福固非所計自誓以死勤苦勸績撫養

二子底於成立壽七十二而終

夏子昭妻顧氏

顧氏崇德夏子昭妻顧歸夏六年年二十七子昭死遺孤在襁褓舅有愛子致養論顧使自爲計顧涕泣以謝願奉終身後舅與愛子又相繼死顧竭力營葬中更亂離卒無玷污以全節終

周天寵妻黃氏

黃氏名玉瑩西安人許聘儒生周天寵未嫁而天寵病瘵將危黃知必不起堅求侍疾父母不能強命之往天

寵適一睹黃目遂瞑黃時年十九慟哭盡哀歛夫絞衾之屬皆經手製送葬途有高壑將投之賴侍婢夾持而免自是每袖一縋以誓必死悉散奩具衣飾於妯娌梯妹惟圖天寵像朝夕哭奠如初喪事舅姑以禮舅姑感其義亦視之如親女數年鬱鬱成疾嘔血死年二十六

方氏二烈女 方孝友附

方氏二烈女者正學先生之二女也正學死難時夫人鄭氏先自經二女未及笄被逮過淮相與投橋下水中死先是正學被召草詔不屈親屬皆面縛就戮正學之

季弟後至正學目之不覺淚下季弟口吟一絕云阿兄何必淚潸潸取義成仁在此間華表柱頭千載後旅魂依舊到家山士論壯之以爲不媿正學之弟至二女子之死未有知者余故表而出之以見正學篤信守道不貳厥心而死難精誠薰漬家庭閨閭間雖二小女子臨難赴義視死如歸不獨與正學伯仲之死同時爭烈而已卽謂爭光於千古之日月亦可也季弟名孝友字希賢二女逸其名第稱之曰方氏二烈女嗚呼烈哉

石孝女

石孝女新昌人父潛宋編修石斗文七世孫女也洪武末生事籍沒繫京獄妻吳氏以漏版獲免依父家以居時孝女在機襖中一日潛脫桎梏逃歸匿吳家吳兄弟懼連坐遂殺潛投大窖中泯其尸吳含悽鞠女女既長問母曰我無父族何也母告之故女悲憤莫能伸永樂初女年十六名閔兢聘而舅氏主其婚以配族子吳某女白母曰殺我父者吳也父之讐弗與共戴天奈何又爲吳氏嬾忍事其家廟邪母曰我不幸失所天事不我從奈何女頷而不答及星期已屆治裝于歸吳族咸喜

得頗方。禮賓未畢。女薨。經死室中。衆皆驚愕。詰其母。母仰天大哭曰。吾女之死。爲父報仇也。號慟數日。亦死。有司聞之。爲治。殺潛者之罪。

潘仲岳妻程氏

程氏潘仲岳妻。衢州人。永樂間。仲岳戍遼東。程氏送之行。解戍者悅其色。戲調之。程怒。解戍者遂以軍政執與偕行。法不能阻。仲岳與程計。恐在途遭辱。程曰。妾自爲計。君勿憂也。給以整裝。故還家。卽自經死。鄉人義而傷之。執筆作哀諫者數百人。

楊彥璋妻魯氏

魯氏名淑清海鹽楊彥璋妻淑清世居麻壇其父彥申徙餘杭而嫁其女於故里楊氏永樂丙申夏倭夷犯海鹽武原鄉擄掠男女淑清亦在擄中度不能脫置兒於路傍泣曰天不絕我後幸活我兒潮至遂躍入海以死時年二十一

金良女汝安

金良女鄞人名汝安父母多疾汝安侍養惟謹及笄里中大家爭求聘汝安自謂父母老且病雖有兄弟寧願

門戶事朝夕。乏供養。奈何舍去。自是紀章茹。每夜焚香告天。禱二親壽。後父母俱八十餘而歿。汝安居喪六年。遂終身不嫁。太史危素爲之贊。

童敦妻李氏

童敦妻李氏。名榮。壽昌人。年二十四而寡。舅爲夫營葬所。李求結壙於旁。父彥真欲奪其志。私許同里蔣武。退而嫁之。李知勢不可遏。厲舅姑以復事。且曰。妾死於此。父必構訟。歸死於家。則無害矣。泣拜而別。復至夫墓。慟哭而歸。詭謂其母曰。見矢。叙母可往。卜家有一妹。又令

尾其後而促之，遂入室自縊。母歸，已死矣。父大怒，欲燔其屍。適舅姑送衣衾及棺至，就飲，則釵縛於左股間，遂收葬於向所築生壙中。時會葬者數百人，莫不爲之揮淚者。

袁堅妻方氏

方氏，金華人。軍士袁堅之妻。堅以酒喪家，卒殯於城北濠上方。貧無依，乃卽殯所開棺寢處其中。飢則出飲於濠，久之不復出，竟死棺中。郡守劉公蒞封土爲墓而禮祭之。

華榮女妙清

華氏名妙清、杭州右衛前所副千戶榮之女也、早歲喪
母、躬浴其尸、取水注器中、哭則出而飲之、茹素十餘年、
坐卧儼思、恒若有見、初、榮代伯氏戍彭城、永樂間、累征
討功、拜前官、降戍、語女曰、吾起戰陣、出萬死得一生、荷
國靈寵、位爲千夫長、期世世及也、今中道死、子震幼、且
弱、族人利吾官者、行且將不利於震、汝以女子從一少
後母、其若之、何語未既、女卽哭應曰、吾雖孑然孱也、請
得事我母、長我弟、令嗣我父、勛終不從、婚媾去、遺父憂、

吳榮卒，女遂一意奉母，保護震備至。媒妁來者，輒峻拒之。後有伯之子麟，果欲奪震官，令人百計誘女嫁。女剪髮碎面，以示已志。且則爲震所祐於天，晝則勤女紅，至夜分不寐，以給衣食。竟有震成襲官，且教以忠孝。自樹終身，果不嫁。其母王氏，弘治間以守節受旌。女獨不及餘杭鄒宗伯幹爲著孝烈傳，以風於世。

孟貞女蘊

孟貞女，名蘊，諸暨縣民女。初許嫁縣學生蔣文勗，未成婚。文勗克貢入監，爲御史，病卒。蘊年纔二十，聞喪號慟。

歸蔣氏執喪三年養其舅姑盡孝終身不嫁人稱貞女

胡昌妻汪氏

胡昌妻汪氏蘭溪人嫁未幾而昌亡家赤貧誓不更適昌弟昉貪鄙時加逼挾不聽乃私受人財物許嫁之及與夫昇輜至汪氏心覺焉顧已無奈何乃更施粉澤易服繆爲願嫁狀東方喜飲不顧因從便門趨出溺萬安橋下家人索之不得踪跡至橋畔沙磧中見雙履宛然入水求之屍已僵矣

李志寧妻劉氏

劉氏名添壽，昌人。歸李志寧五年而寡。以死自誓。父母以其無子，欲奪而嫁之。劉號哭哀訴，又託父母之親厚者勸之，終莫能止。遂爲必死計，製長旛，繪夫及已像於上，置諸篋中。泣別舅姑而歸。父母甚喜，亟召媒妁議親。舉家出迎，而劉已投舍旁池中死矣。舅姑逆其喪，啟夫穴合葬焉。

呂嗣芳妻顧氏

顧氏名妙善，嘉興呂嗣芳妻。芳與伯子本相繼歿於官。仲子原甫八歲，顧携孤還鄉，貧甚，執箕苦守，課子讀書。

弱冠成進士、廷試第二人、以翰林學士入內閣、參贊機
務、顧臨終勉其子曰、忠孝一道也、而父兄未竟之業、惟
兒善成之、故原立朝事績、載之國史者、得之母訓居多、
封太宜人、享年八十有七、

宋原用妻石氏

石氏字景榮、鄱陽石思孟女、少解文字、年二十、奉化宋
原用任鄱陽教諭、因娶焉、閱六載、原用卒、石氏時年二
十六、二子俱幼、母氏欲留之、石泣曰、夫死、卽未亡人、爾
今舍二稚、奔舅姑、失三從之義、吾忍爲此、獸行邪、噉指、

自誓母不能強遂奉喪歸及抵家糧無宿儲艱苦殊甚石盡貲裝以養舅姑舅嘗患疫痢石衣不解帶手滌廁踰晝夜侍藥糜無倦色及舅姑歿葬祭盡禮勤紡績以資二子學庭聞之訓尤嚴於禮節鄉族頌女咸服其化宣德間有司奏旌其門

方良規妻章氏

章氏蘭溪人適同邑方良規年二十六而良規亡遺子鉅甫六歲族之長強使改適章歎曰嗟乎斯言何爲至於我哉夫子之天也乃欲平昔之孤鉅子之嗣也乃欲

子弄之。昔夫不義弃嗣不仁。是欲禽獸我也。有死而已。
請勿復言。遂毀容斷髮終身不二。年九十餘卒。

王伯壘妻張氏

張氏名相字敬助。父爲餘姚張雲龍先生。有隱德。善識
鑒。每奇其女。教之經義。適慈溪王明白先生之子伯壘。
爲金溪令。有能聲。雲龍嘗囑其女曰。得甥當告我。舉首
予以告。視之曰。來矣。名之曰來。再舉子。再告之曰。復來
矣。名之曰復。既而以第三甥告。曰。亦足與二兄鼎足而
並。名之曰鼎。來復同中宣德丙午科。來爲工部尚書。復

舉進士爲刑部主事。爲御史。終廣東僉事。張封太夫人。相夫教子。一以古人爲法。金溪旣歿。日三復敬姜君子能勞後世有繼之言。以勗諸子。太書日新二字於書齋。以示警。子在宦邸。每手書箴訓。諄諄以竭忠報主和僚友。廼子姓爲規。終不及其他。來征潮貴時。手製汗衫遺之。云非爲不足。汝所特使。汝知我尚康。庶得安心。王事不以我老爲念耳。及凱還。復戒以毋自矜伐。以全居美之道。其手澤至今子孫寶之。

章孝女名銀兒。蘭溪章清郎女也。清郎死。銀兒獨與母居。時邑中多火災。其室盡燔。未能復構。結茅廬以棲。其母寢疾。邇隣居又火。烟烟四起。銀兒出視。衆呼令亟走。銀兒曰。母病不能動。何可避也。亟入廬。欲扶母出。烈焰忽覆其廬矣。衆皆蹣足。莫之能救。火熄。出其尸。銀兒雙手抱其母。同焚死。

徐孝女

徐孝女者。嘉善徐遠女也。年六歲。母患臙瘡甚。孝女問母若爲得愈。母謾曰。兒吮之乃愈。孝女遂請吮。母難之。

譚弘妻沈氏

沈氏崇德譚弘妻也年十七歸弘三載而弘卒遺孤僅歲餘。疏姑陸氏在堂有親子婦素不愛沈有老奴爲陸謀去沈而併其產於親子婦日括其貲裝簾盡無難色。奴又謀圖其孤沈懼携歸父家鞠焉久之陸恨并奴收婦而還孤析產與親子婦築沈於綺紵艱險中弄資保孤智與節令人以爲難壽八十餘卒。

姚率妻周氏

周氏名福蓮，海鹽姚璵妻。年二十二而寡，生一女甫八
月，父孟經欲奪其節。福蓮以死自誓，父怒，笞而逼之。福
蓮顧女悲慟曰：「兒安歸乎？」少選，父索之，不得已，抱其女
赴水死。俄得尸，子母抱持如生。翌日，具棺歛，將焚，木燬，
有蝶從烟焰中出，文彩爛然，向祖墓飛去。張黃門寧爲
立傳。

王璵妻柳氏

柳氏，蘭溪王璵妻。年十七歸璵。時璵已病，爲脫簪珥求
醫。璵病革，與柳訣曰：「汝年少無子，我死，汝當別嫁。」柳泣。

以死殉封。日夜侍湯藥不少懈。迨殯死殮畢。欲投於棺。及撒靈。又欲投於火。姑與妯娌力救之。哀哭不絕聲。潛自爲送死具。翁姑懼不測。密遣女孫伴睡。柳語女曰。明早翁姑問汝。但云夜半子時女幼。莫知所云。俟女睡。沐浴更衣就縊。女驚覺。亟呼翁姑救之不及。蓋子時也。

包慎妻徐氏

包慎妻山陰徐氏。女歸七年。而慎死。無子。同邑右族。以其色。以利誘其姑。及其夫之弟。欲強娶焉。徐氏髡髮毀容。以拒之。姑怒。故投諸糞。事莫變其志。徐知不免。自縊。

而死

吳學妻嚴氏 孔淑貞附

吳學妻山陰嚴氏女。學死，無承志子。顯舉進士官刑部郎。娶曲阜孔淑貞。定章聖五十九代孫也。顯卒於官。淑貞扶柩南還。舟抵濟寧，水舍去。父母家僅數里許。父母遣車迎之。因辭曰：夫柩在此，義不能暫舍。至於水解，發舟終不履岸。比至顯家，閭戶毀容以苦節終。

虞守中女奉娘

虞鳳娘，義烏虞守中之女。其姊嫁徐明輝而卒。輝獨鳳

娘賢惡其父欲聘爲繼室女知泣謂父母曰兄弟無刻妻之理卽姊妹可知父執不聽女遂絕口不言自經死

徐文佩妻鄭氏

徐文佩妻山陰鄭氏女文佩病亟囑鄭曰我死無子汝將若何鄭泣曰倘君不幸俟季叔有子卽吾子也時季叔文佩之妻童始娠尋果子鄭喜襁抱示其夫夫以舌舐兒首遂卒明年文佩亦死童與鄭共撫遺孤無戚心

范氏二女

范氏二女會稽人幼好讀書通列女傳長適江氏一月

而寡次將歸。傅氏而夫亡。二女同守節。別築一垣。圍屋數椽。田十畝於內。以自居。種獲有時。父率傭以入。餘日則閉戶相對。雖灌田亦溝引而已。如是者踰三十年。後自爲塋於止水墩。竟合葬焉。族人以其遺產立祠祀之。

徐福壽妻王氏

節嬭王氏。淳安人。年十九爲蜀阜徐福壽妻。仁慈孝。節深執。嬭道明年生子士華。越七年而姑與夫相繼死。節嬭值兩喪。哀毀瘠甚。幾不能生。服既除。舅以年邁莫給衣食。欲奪其志。節嬭指日誓曰。嬭無再醮禮。卽有異志。

猶如此。日出是舅。不能強節。頰益服勤儉。甘淡泊。躬紡績。養老撫幼。備極艱苦。舅歿。營備葬祭。無違禮。延師訓孤。克底成立。讀書習爲鄉善士。節頰年八十有七。稱未亡人者六十餘年。節操凜凜。人無間言。有司上其事於朝。旌其門曰貞節。商文毅公爲之傳。贊曰。人有恒言。順天者昌。逆天者亡。頰以夫爲天者也。若徐節頰者。夫亡守志。六十年如一日。豈非順天者乎。福壽光榮。享有子孫之盛。非彼蒼者有以相之哉。噫。順天者昌。予於徐節頰有徵矣。

俞姻奴

俞姻奴永嘉人父貞早亡家貧母再許適姻奴泣下數
自溺衆挽慰諭之母既適乃暫隨母入繼父家居常快
快每念及父涕下如雨居無何母亦亡繼父子欲犯之
不從繼父子仍賂其母婢諷焉姻奴罵之婢曰若堅不
從彼必殺汝矣又罵曰死則死耳我終身不受凶暴侵
凌也婢退他日繼父出其子果持刀入房迫脅之終不
屈遂見殺繼父還捕其子置空室中飢死乃葬姻奴時
宣德癸丑旱何守文淵禱雨未應耆老林湜言其事何

守曰其在是乎遂爲文遣祭其墓明日果雨

葉俊妾何氏

何氏名京女永嘉人德性貞淑姿容秀整爲葉俊妾俊以山西太原府知府致仕歸卒於家何心痛之哭至氣絕而甦成喪後三日潛身沐浴以膏塗首傅粉施朱身衣彩服泣告夫人薛氏曰大人在日妾御莫敢當夕令大人地下無人侍奉妾願以身當之拜別夫人爲之永訣夫人反嗔怒之以爲此女連日過哀失神乃致此耳何竟自縊而死夫人與衆嬾大慟聲震閭里里人聞於

有司有司躬往視之莫不嘉歎爲題其銘旌曰烈女何氏之樞

宋允中妻魏氏

宋允中妻會稽魏氏女年十六贅允中僅三日而允中歸尋歿其家火之投骸澗水魏奔赴拾夫骸還瘞家園中服喪三年父母欲嫁之則號泣欲自殺家人知不可奪然業已受他幣第嚴爲之守比迂者臨門守稍弛魏乃潛之園中自縊死

李汀妻呂氏

呂氏名主奴爲永康呂汀妻汀赴姚泉汲水失足溺死
呂慟哭仆地水漿不入口者數日舅姑憐其少寡強更
適之呂聞乃縫衣秉燭赴汀溺所死

朱泰妻吳氏

吳氏女會稽人適文學朱泰性至孝姑唐病瘵而性暴
時加箠撻常跪受已輒起進飲食惟如也自食粗糲布
褐常不完而姑之膳藥極精好旣而泰死無後或勸之
他適輒號踊欲絕奉其姑益謹卒與姑相繼歿陶文僊
重其節爲白有司捐貲創祠祀之

陳曙妻張氏

陳曙妻蕭山張氏女受聘後陳日寥落不能娶父將有異議張曰受聘陳卽陳妻也寧死不願更適後歸陳未幾曙卒與姑同寢一旦白如日天氣甚熱可獨宿姑聽之是夕卽自縊於床屏間距夫亡未三月也

馮光霽妻劉氏

劉氏慈溪人聘於馮光霽光霽卒父宦所劉時年十七聞訃卽哀毀如不欲生概歸劉請歸馮治喪母憐之不可哭曰聘不爲先婦不爲後不負此心死無憾矣遂奔

碑

卷之五十一

素

沈

喪命治兩墳壙故欲投以殉姑力挽之遂終身不御鉛
綺獨處一室日事織紵族人罕得見其面事聞詔旌其
門題之曰貞淑

周廷輝女

周廷輝女松陽人年十八有姿色正統間避難橫山寇
至欲迫去不從即以刃礪其頸脅之女曰欲殺卽殺決
不汝從遂被害鄉人哀而葬之

周本恭妻趙氏

周本恭妻諸暨趙孟德女名淑少時父嘗授孝經列女

傳筆書年十八歸本恭十一年而恭卒時值兵亂湖廣
捐自誓孑孤從一媵避山谷間飢餓顛踣無二心亂既
定還家治麻績自給夜然松脂舉詩書以授諸孤其兄
公亦早死淑撫其遺孤如已生婚娶亦先焉後皆成立

蔡儼妻包氏

蔡儼妻包氏宜平人幼有淑質適儼勤於內助正統中
鄉寇作亂包氏從舅姑避難東岩岩破包氏被執給贖
曰我有金銀藏岩穴中當往取之賊以爲然同至其所
遂自投岩下死

谷得與妻陳氏

谷得與妻陳氏麗水人年二十二善容色景泰元年春
叛賊陶得二輩劫掠鄉林陳與隣煩同避岩穴爲賊所
執欲犯之隣煩不敢拒陳獨憤罵不從賊脅以白刃罵
愈不絕賊怒而殺之賊去鄉人斂其骸葬於小嶺因名
其嶺爲烈煩嶺

翁錄妻鄭氏

鄭氏名惟孝慈溪海豐尹鄭淵女歸翁錄錄奉例輸米
携鄭上京卒於途鄭扶柩歸葬時年二十七無子翁值

仲欲奪其志。鄭曰：有姑在，姑亡，不欲奪之。曰：有父母在，遂大歸於宗。織紵自給。及父母亡，屏處敝舍，瓦鋪地，塵以供朝夕。年踰六十，出所積治棺槨，綆衾，甫具而竟以微疾死。

楊孟輝太守貞

楊守貞者，鄞人。楊孟輝女也。甫八歲，字俞氏。伯子頃之。伯子夭，俞氏請以仲繼。楊父母許之。守貞聞，嘗悒悒不樂。比俞請婚，期守貞以死自誓。泣拜母前曰：兒死矣。兒死矣。大人許兒爲俞伯類，請知有仲也。願大人以兒子

育之。雖白首不悔。父母憐而許之。遂居一小閣。絕不與家人相接。年六十四而卒。楊氏私謚爲守貞。

諸仕女妻舒氏

諸仕女妻餘姚舒慶女。名貞。年十八。歸仕俊。仕俊數販買。既娶。貞稍流連。貞曰。人其謂我何。力贊之行。行未兩月。而計至。貞哀慟屢絕。聞者無不隕涕。如是者三月。仕俊骨歸。貞親營墳葬之。哭曰。所來同穴者。爲姑在也。其姑念家貧。身老。貞年方十八。恐後無所賴。謀嫁之。貞固甘紡績奉姑。終身若嫁。但存死耳。墓貞者。乃重賂其父。

母業已定盟矣。貞知其不免也。約父曰：俟吾薦夫畢，惟父所欲適。於是賣其衣飾，擇日治齋供。供畢，漏下已四十刻矣。逮其母與姑俱就寢，乃沐浴衣麻，衣被以長衰，牢結之，而截其餘，帶用素帛裹其足，取夫嬖故所服御，實一篋內，以赴火焚之。遂自經。俄而火熾，衆驚救之，則貞已死矣。

趙孝女

趙孝女奉化趙鎮之女。父母連喪，女時年十八，尚未納采。弟淦幼，未能立。女念無以撫淦者，遂誓不嫁，育淦成。

立至娶妻生二子曰英曰豪時年四十矣士大夫皆重其德欲令歸於貴族而其弟旋歿女又誓不嫁撫其二姪比英豪相繼歿又撫英之子諫女終不嫁而宗祀賴以不墜人稱爲孝女云

包文助妻張氏

張氏名如湏鄞人年二十二歸包文助甫朞月生子旬未及晬而文助夭夫之女弟誘以改志毅然不聽女弟見不可奪夜僞爲鬼祟以怖之張知其僞覆燈以覘俟祟發卽啟燈女弟大慙而退自是屏華飾勤紡績養姑

育子卒。振包氏之宗。旬長丕弘家業。孫魯黻。年八十餘而終。後曾孫澤溥。聯舉科第。爲御史。人以爲節義之報云。

徐傑妻任氏

任氏慈溪人。性貞肅。年二十歸徐傑。甫二年。傑以應試不第。快快致疾。將屬續。而子錦方在娠。任泣語其夫曰。君上有母。而吾幸有娠。必期奉母育孤。以存若後。誓不毀節辱君也。傑於枕上作蠅首狀曰。謝卿果爾。吾目瞑矣。夫亡一月。子錦生育。之漸長。使讀父書。嚮環釧以佐。

費勤織紵以資養卒成其子錦第進士官至都御史

包謙妻鄭氏

鄭氏陝西臨潼人父任杭州府稅課大使楊女隨任擇杭士秀拔者得錢塘包謙歸之謙舉成化己丑進士授行人卒於京師鄭氏時年二十六父聞謙卒命其子至京迎回臨潼守制遺孤光弼方五歲鄭氏謝泣曰子歸侍父兄則包氏宗祀絕矣遂扶柩還杭家屢空勤女紅以自給無間昕夕寒暑十指皆舉課子讀書焚膏盈寸竟始就寢日以爲度或誦讀稍怠即抱謙神主哭不輟

聲子亦奮勵應明經選官貴池縣學訓導鄭氏年八十
三始卒

張昱妻彭氏

張昱妻彭氏字妙寧嘉興人父公衍有文行教以列女
傳諸書及節義事妙寧曰是不難人當壁碎而潔無寧
瓦全而穢父鍾愛之館昱爲甥未幾昱疾且革妙寧泣
曰妾與君同年生必期同年死君苟不幸妾固不忍獨
存已而昱死兒尚在抱旣殯輒欲自盡姑挽奪得不死
姑泣戒曰吾年老爾兒幼且病忍弃捐邪乃奉姑命調

護其兒。兒愈。遂絕飲食。髮既脫。號泣五日而死。

陳佳妻王氏

王氏。慈谿人。既聘於陳。而夫佳病且革。爲娶王以慰之。及門。卽入侍湯藥。未幾佳死。時王年方十七。卽屏簪珥。服御衣。斬衰。誓不再嫁。後姑張。遇之無恩。責其未成禮而守。爲無名。王曰。旣入陳氏之門。經事君子。何謂無名。張乃使人邀其二弟。從容諷之。王不答。入卧內。截髮以示張。終欲強之。窘辱百端。二小姑凌之若婢。稍不順。輒斥其面。張聞。復加捶楚。王曰。無怨言。第曰。不逼嫁。爲婢。

亦甘也。每夕寢處小姑床下。受卑濕。遂病。倡王私自幸。曰。吾今而後。吾知免矣。鞠其猶子梅爲嗣。保愛過於已。出教之業文。後領鄉薦。爲祁門教諭。王以高壽卒。

吳節嬭鄭氏

吳節嬭者。平湖鄭氏女也。父肅娶於茹。雍敬一德。寔生節嬭。節嬭幼閨內。則年十七。歸海鹽吳。贈君某。未幾。贈君殞矣。當是時。節嬭年纔二十八。有兩孤。日夜躬衣食。教之。茹茶揮血。益久益勵。蓋五十年。年七十八而終。人咸稱爲吳節嬭。云。節嬭執勞自飭。蠶績織紵。寒燠無休。

時姑且亡。時幼女隔之節。嬭以累汝。節嬭育而嫁之。稱
祿九十事其舅。始終極恭順。雖魚菽之薦。筐篚必自婦
曰。養與祭皆嬭人事。敢不虔。節嬭又能念父母孝敬不
衰。歲時上冢輒泣下。徘徊不能去。時時述贈君長厚事
教兩孤曰。而父宜有後。慘結酸愴。然未嘗夜哭也。仲子
舉進士。令宣城分祿遺節嬭。節嬭曰。嗟乎。祿養汝。庶輟
汝祿無妨。汝庶乎慎。無復爾。既封太安人。貴矣。益纖儉
居約。一布被更六十年。綴緝不忍弃。正德中有旌典。有
司擬上之。朝節嬭則謂仲子曰。從一而終。吾盡吾心焉。

耳。業受封，敢遵再命，汝亟謝，故有司輟弗請。兩子長，昇仲昂仕至福建右布政，自有傳。

葉孔賓妻鄭氏 妾何氏附

葉孔賓妻鄭氏，青田人。孔賓父卒於官，往輟喪，渡揚子江，舟覆而沒。鄭氏年二十三，子甫生十月，家貧，或勸改適。鄭矢心不從。妾何氏年二十一，鄭曰：「我守夫志，若無子，宜出。」妾涕泣曰：「主母既守志，妾當奉以全節，何以出？」爲相依紡績度日。葬舅姑，撫幼子，共處六十餘年。時人謂之雙清。

孫玉妻楊氏

楊氏、仁和人。年十九，歸錢塘孫玉，承事舅姑，以孝敬稱。居數歲，玉卒。楊氏哀毀絕粒，求以身殉。姑諭之曰：「吾二老人待汝以終，藐諸孤，待汝以育。汝安得死？」於是楊氏雪涕強食，誓天守志。時年二十七耳。人有欲移其志者，輒斥絕之。終身不與語，屏去膏沐，恒自稱未亡人。勤儉克家，以守夫業。教二子宗蘭、宗猷，必以德義及舅姑相繼。歿，塋奩具，以妻大事。人云：孫氏有類勝於有子。

何謙妻吳氏

吳氏名慶真海寧人許字何謙未歸而謙卒慶真遂衣
衰麻爲謙執節父母憐其少欲奪其志慶真哀慟不欲
生遂寢已而父母相繼歿兄嫂因其志不可變因析屋
分爨以恐之慶真依幼弟景輝以居紡績自食者八年
弘治丁巳冬舅姑爲謙喪事慶真具牲醴偕兄弟哭奠
畢回家園寢室自縊時年二十有八舅爲歛屍合葬焉
縣令江東易墓贊曰春風桃李六禮初交夫類既定山
嶽不搖破鏡埋光孤鸞沉影一身綱常重於九鼎俾彼
高岡馬鬣其中生未同處死則同封嗟哉烈女節義完

備所讀何書不識一字

高逾妻李氏 子頌曹妾陸附

李氏名阿妙桐鄉人年十八歸逾生子熊方。猝而逾死。家貧舅姑復相繼歿。歸依其母吳氏。以若母諭之。改。轉痛絕。母不復強。熊既長。娶曹。無子。李爲熊娶妾陸氏。甫得子而熊又死。曹與陸皆矢心不棄。上事孀姑。下撫弱子。兩世三節。鄉黨重之。